

1Malaysia jana kestabilan sosial, politik

Berita Harian 11/06/2010 MSB3

Program Transformasi Kerajaan, MBE dasar strategik Malaysia tarik pelaburan asing

RANCANGAN Malaysia Kesepuluh (RMKe-10) menyediakan rangka kerja dasar dan strategi bagi mencapai status negara maju menjelang 2020.

Rancangan ini dilakar berkonsepkan 1Malaysia dan dibina berasaskan Program Transformasi Kerajaan (GTP) dan Model Baru Ekonomi (MBE) yang menggariskan dasar dan strategi baru.

Konsep 1Malaysia berhasrat mengukuhkan perpaduan negara bagi mengekalkan kestabilan sosial dan politik - satu prasyarat untuk Malaysia kekal sebagai destinasi perniagaan dan pelaburan yang menarik.

Amalan menghormati perbezaan nilai pelbagai masyarakat akan membantu rakyat menghargai perbezaan itu sebagai aset.

Konsep ini mengharapkan rakyat Malaysia bergerak me-

langkah toleransi untuk menerima dan bangga dengan kepelbagaian etnik, agama, budaya dan kepercayaan.

Prinsip keadilan menjadi teras kepada konsep ini. di bawah konsep ini, semua rakyat Malaysia akan diberi perhatian dengan tumpuan khusus kepada golongan kurang mendapat manfaat.

GTP diperkenalkan pada 2010 untuk mentransformasikan kerajaan agar menjadi lebih efektif dalam sistem penyampaian perkhidmatannya serta bertanggungjawab ke atas *outcome*.

MBE telah menggariskan Inisiatif Pembaharuan Strategik (IPS) dalam memacu negara ke arah ekonomi yang mampan dan inklusif.

RMKe-10 mengambil kira strategi baru pertumbuhan ekonomi di bawah MBE dan IPS yang berkaitan.

RMKe-10 juga mengga-



MALAYSIA kini berada dalam kedudukan kukuh untuk ke arah status negara berpendapatan tinggi.

bukun enam Bidang Keberhasilan Utama Nasional (NKRA) dan mengemas kini kemajuan pelaksanaan sistem penyampaian kerajaan sejak GTP dilancarkan.

Membangun berasaskan

kekuatan dan kejayaan yang lalu, Malaysia kini berada dalam kedudukan yang kukuh untuk menggerakkan negara ke arah status negara berpendapatan tinggi.

Bagaimanapun, cabaran

utama bagi mencapai status ini, ia memerlukan pendekatan pelbagai sudut yang berkesan bagi menangani isu struktural negara.

Dalam tempoh lima tahun akan datang, RMKe-10 akan menjadi wadah bagi melonjakkan negara ke arah ekonomi berpendapatan tinggi.

RMKe-10 akan memberi tumpuan kepada:

- Mewujudkan persekitaran untuk pertumbuhan ekonomi. Langkah ini menjadi tonggak RMKe-10, dengan memperincikan strategi untuk mewujudkan persekitaran yang mendorong pertumbuhan ekonomi yang diterajui sektor swasta.

- Menuju ke arah pembangunan sosioekonomi secara inklusif. Langkah bagi memastikan pendapatan dan kekayaan diagihkan secara saksama bagi mengurangkan ketidaksamaan. Objek-

tifnya adalah membina masyarakat lebih inklusif.

- Membangun dan meningkatkan modal insan bertaraf dunia. Langkah ini menjadi faktor utama menggalakkan produktiviti dan pertumbuhan diterajui inovasi. Tumpuan utama adalah strategi membangun, menarik dan meningkatkan bakat berkualiti.

- Mewujudkan persekitaran ke arah meningkatkan kualiti hidup. Pertumbuhan ekonomi diperlengkapkan dengan strategi meningkatkan kualiti hidup rakyat sepadan dengan status negara berpendapatan tinggi.

- Mentransformasikan kerajaan ke arah mentransformasikan Malaysia. Peranan Kerajaan akan berubah menjadi pemudah cara yang efektif dalam mentransformasikan ekonomi dan menyediakan perkhidmatan berkualiti kepada rakyat.